



অবিলম্বে প্রকাশের উদ্দেশ্যে: 1/2/2024

গভর্নর ক্যাথি হোকল

গভর্নর ক্যাথি হোকল ঘোষণা করলেন যে ডাঃ মার্টিন লুথার কিং, জুনিয়র এর প্রতি নিউ ইয়র্ক স্টেটের 2024 সালের শ্রদ্ধাঞ্জলি নিউ ইয়র্ক PBS স্টেশনগুলিতে সম্প্রচারিত হবে

সোমবার, ৪ জানুয়ারি, এম্পায়ার স্টেট প্লাজার কনভেনশন সেন্টারে অনুষ্ঠানটির একটি বিশেষ স্ক্রিনিংয়ে বিনামূল্যে অংশগ্রহণ করার জন্য জনগণকে আমন্ত্রণ জানানো হচ্ছে

গভর্নর ক্যাথি হোকল আজকে ঘোষণা করলেন যে ডাঃ মার্টিন লুথার কিং, জুনিয়রের (Dr. Martin Luther King, Jr, MLK) জীবন এবং স্মৃতি ও অবদান নিয়ে নিউ ইয়র্ক স্টেটের বার্ষিক স্মারক একটি স্টেটব্যাপী ব্রডকাস্ট অনুষ্ঠানে উপস্থাপন করা হবে, যার নাম "নিউ ইয়র্ক স্টেট ডাঃ মার্টিন লুথার কিং, জুনিয়রকে উদযাপন করছে (New York State Celebrates Dr. Martin Luther King, Jr.)", যা পুরো নিউ ইয়র্কে MLK সপ্তাহান্তের শুরুতে পাবলিক ব্রডকাস্টিং সার্ভিস (Public Broadcasting Service, PBS) স্টেশনসমূহে সম্প্রচারিত হবে এবং empirestateplaza.ny.gov/nyking এ স্ট্রিমিং করা হবে।

"ডাঃ মার্টিন লুথার কিং জুনিয়রের জীবন ও লিগেসি প্রতিদিন আমাদেরকে সেবাদান ও সামাজিক ন্যায়বিচার করার আহ্বান করে," **গভর্নর হোকল বলেন।** "ডাঃ কিংয়ের প্রতি এই শ্রদ্ধাঞ্জলি হলো সেই লিগেসির একটি স্মরণিকা, এবং তার সক্রিয়তাবাদের সামগ্রিক লক্ষ্যসমূহের প্রতিশ্রুতি পুনরায় গ্রহণ করতে আমাদের স্টেটের জন্য একটি সুযোগ।"

ডাঃ কিংয়ের প্রতি এক ঘণ্টার শ্রদ্ধাঞ্জলি নিউ ইয়র্ক স্টেটের এমন মানুষ ও সংস্থাকে তুলে ধরবে যারা আমেরিকার সামাজিক ন্যায়বিচার, স্বাধীনতা, এবং সমতার সবথেকে উল্লেখযোগ্য নেতাদের একজনের নীতি অনুসরণ করে। অনুষ্ঠানের সময়সূচি অঞ্চলভেদে ভিন্ন হবে, এবং দর্শকদের তাদের স্থানীয় TV অনুষ্ঠানসূচি দেখার জন্য উৎসাহিত করা হচ্ছে।

এছাড়াও জনগণকে সোমবার, ৪ জানুয়ারি, এম্পায়ার স্টেট প্লাজার কনভেনশন সেন্টারে (Empire State Plaza Convention Center) "নিউ ইয়র্ক স্টেট ডাঃ মার্টিন লুথার কিং, জুনিয়রকে উদযাপন করছে" এর একটি বিশেষ স্ক্রিনিংয়ে উপস্থিত থাকার জন্য আমন্ত্রণ জানানো হচ্ছে। স্পেকট্রাম নিউজ (Spectrum News) মর্নিং নিউজের উপস্থাপক টামানি উলির উপস্থাপিত এই অনুষ্ঠানটি বিনামূল্যের এবং জনগণের জন্য উন্মুক্ত হবে, সন্ধ্যা ৬টায় দরজা খুলে দেওয়া হবে এবং ঠিক সন্ধ্যা ৭টায় অনুষ্ঠানের স্ক্রিনিং শুরু হবে। সরবরাহ থাকা পর্যন্ত বিনামূল্যে হালকা নাশতা পরিবেশন করা হবে। বিকাল ৪টার পর ভিজিটরস লট (Visitor's Lot, V-Lot) এ বিনামূল্যে পার্কিং করা যাবে।

নিউ ইয়র্ক স্টেট সাধারণ সেবা অফিসের (Office of General Services, OGS)

কমিশনার জিনেট ময় বলেন, "2024 ডাঃ মার্টিন লুথার কিং জুনিয়র অবজার্ভেশন হলো তার জীবন ও লিগেসিকে, এবং পুরো নিউ ইয়র্ক স্টেটের সম্প্রদায়সমূহের উপর তার রূপান্তরকারী প্রভাবকে সম্মান জানানোর একটি সুযোগ। এই বছরের শ্রদ্ধাঞ্জলিতে ব্রুকলিন থেকে বাফেলো পর্যন্ত এমন ব্যক্তি ও সংগঠনের উপর আলোকপাত করতে পেরে আমরা গর্বিত যারা তাদের দাতব্য কর্মসূচি ও পদক্ষেপের মাধ্যমে ডাঃ কিংয়ের শিক্ষার সেবা উদাহরণ স্থাপন করছে। এই কর্মসূচিটি দেখার মাধ্যমে এই উদযাপনে যোগদান করতে নিউ ইয়র্কবাসীকে আমন্ত্রণ জানানোর জন্য গভর্নর হোকলের সাথে যোগ দিতে পেরে আমি গর্বিত, এবং আশা করছি যে আমাদের দৈনন্দিন কর্মকাণ্ডের প্রতিটিতে আরো ন্যায্য ও সমতার সমাজ পাওয়ার জন্য অব্যাহতভাবে চেষ্টা করতে আমাদের সকলকেই এটি অনুপ্রাণিত করবে।"

WMHT প্রেসিডেন্ট এবং প্রধান নির্বাহী কর্মকর্তা অ্যান্থনি ভি. হায়েস বলেন, "ডাঃ মার্টিন লুথার কিং জুনিয়রের জীবন ও লিগেসিকে সম্মান জানাতে পাবলিক টেলিভিশনের মাধ্যমে নিউ ইয়র্ক স্টেটের সকল সম্প্রদায়ের সাথে যোগদান করতে পারা একটি বিশেষাধিকার। কর্মসূচিটি আমাদেরকে 'নৈতিক বিশ্বের পরিধি' নিয়ে চিন্তা করতে সাহায্য করে এবং এখানে আমরা ডাঃ কিং এবং অহিংসা, আশা, সমতা এবং ন্যায্যবিচার সম্পর্কে তার সহনশীল বার্তার প্রতি শ্রদ্ধাঞ্জলি পেশ করছি।"

বিংহ্যামটন থেকে শুরু করে ব্রুকলিন, অ্যালবানি থেকে শুরু করে ইথাকা পর্যন্ত নিউ ইয়র্কবাসীদের দৃষ্টিভঙ্গি থেকে তৈরি অনুষ্ঠানটির মূল বিষয় হলো সঙ্গীত, শিল্প, এবং ডাঃ মার্টিন লুথার কিং জুনিয়রের যেই নীতিমালা তার লিগেসিকে আকার দান করেছে তা পালন করা নিউ ইয়র্ক বাসীদের অনুপ্রেরণাদায়ক গল্পের সাহায্য তার জীবন ও স্বপ্ন কে তুলে ধরা। অনুষ্ঠানটির বিশেষ কিছু অংশ হলো:

- নিউ ইয়র্ক স্টেটের গভর্নর ক্যাথি হোকল প্রদত্ত মার্টিন লুথার কিং জুনিয়র দিবস উপলক্ষে একটি বিশেষ বার্তা।
- দ্য গ্যাডারিং ফর জাস্টিসের (The Gathering for Justice) একটি ফিচার, এটি প্রয়াত হ্যারি বেলাফন্টের প্রতিষ্ঠিত একটি সামাজিক ন্যায্যবিচার সংগঠন।
- নিউ ইয়র্ক স্টেট ইউনিভার্সিটির (State University of New York, SUNY) চ্যান্সেলর ডাঃ জন বি. কিং, জুনিয়র এবং ব্রুকলিন ও স্কেনেকট্যাডি শিক্ষার্থীদের ধারাভাষ্য।
- আলোকচিত্রকর এবং নাগরিক অধিকার নেতা কার্ক লী এর কাজের একটি প্রোফাইল।
- ডোরোথি কটন জুবিলি সিঙ্গার্স (Dorothy Cotton Jubilee Singers) এর একটি পারফরম্যান্স, এটি আফ্রিকান আমেরিকান আধ্যাত্মবাদ এবং নাগরিক অধিকার আন্দোলনের একজন অজ্ঞাত নায়ক, ডোরোথি কটনের লিগেসি সংরক্ষণ করে রাখার জন্য নিবেদিত ইথাকার একটি দল।
- লেভেলআপ (LevelUP) এর একটি প্রদর্শনী, এটি কৃষ্ণাঙ্গ নারীদের পেশাদার অগ্রসর হতে এবং সম্পদ গঠন করতে সাহায্য করার জন্য তৈরি, ব্রুকলিন পাবলিক লাইব্রেরির (Brooklyn Public Library) শুরু করা একটি কর্মীবাহিনী অগ্রসর করার উদ্যোগ।

- পুরো স্টেটের বিভিন্ন গোষ্ঠীর অনুপ্রেরণাদায়ক পারফরম্যান্স, যার মধ্যে SUNY বিংহ্যামটনের (SUNY Binghamton) আর্টস কর্মসূচির শিক্ষার্থী এবং 2024 ডাঃ মার্টিন লুথার কিং জুনিয়র অনসম্বল (Dr. Martin Luther King Jr. Ensemble) রয়েছে।

সকলেই ড. কিংয়ের ভাবমূর্তিতে জীবনযাপন করা নিউ ইয়র্কবাসীদের ব্যাপারে আরো জানতে অনুষ্ঠানটি দেখার জন্য আমন্ত্রিত। স্টেটব্যাপী PBS স্টেশনসমূহে দেখার সুযোগের পাশাপাশি, 16 জানুয়ারি, সকাল 10টা থেকে empirestateplaza.ny.gov/nyking এ "নিউ ইয়র্ক স্টেট ডাঃ মার্টিন লুথার কিং, জুনিয়রকে উদযাপন করছে" দেখা যাবে।

নিউ ইয়র্ক স্টেটের ডাঃ মার্টিন লুথার কিং জুনিয়র উদযাপনের অংশ হিসেবে, মানুষকে নিউ ইয়র্ক স্টেট ডাঃ মার্টিন লুথার কিং, জুনিয়র শিক্ষার্থীদের শিল্প ও রচনা প্রদর্শনী (Dr. Martin Luther King, Jr. Student Art and Essay Exhibition) দেখার জন্যও আমন্ত্রণ করা যাচ্ছে, যেখানে থাকবে পুরো স্টেটের K-12 শিক্ষার্থীদের জমা দেওয়া সৃষ্টি যেগুলি ডাঃ কিংয়ের অহিংসার ছয়টি নীতি দ্বারা অনুপ্রাণিত হয়েছে শিক্ষার্থীদের কাজের একটি ভার্চুয়াল গ্যালারি দেখা যাবে empirestateplaza.ny.gov/nyking এ, 15 জানুয়ারি থেকে 29 ফেব্রুয়ারি পর্যন্ত।

এছাড়াও, প্রতি বছর নিউ ইয়র্ক স্টেটে ডাঃ কিংয়ের সম্প্রদায়ের ভিশন পূরণ করতে একাধিক সেবা সংক্রান্ত অনুষ্ঠানের আয়োজন করা হয়। এর মধ্যে রয়েছে [ডাঃ মার্টিন লুথার কিং জুনিয়র স্টেটব্যাপী খাদ্য উদ্যোগ \(Dr. Martin Luther King, Jr. Statewide Food Drive\)](http://www.governor.ny.gov), যা 4 ডিসেম্বর 2023 তারিখে শুরু হয়েছে এবং 9 ফেব্রুয়ারি 2024 পর্যন্ত চলবে এবং ডাঃ মার্টিন লুথার কিং জুনিয়র স্টেটব্যাপী বই উদ্যোগ (Dr. Martin Luther King Jr. Statewide Book Drive), যা 20 ফেব্রুয়ারি, 2024 থেকে 19 এপ্রিল 2024 পর্যন্ত চলবে, এবং 24তম বার্ষিক ডাঃ কিং ক্যারিয়ার মেলা (Dr. King Career Fair) যা 4 এপ্রিল, 2024, বৃহস্পতিবার অনুষ্ঠিত হবে।

নিউ ইয়র্কের PBS সদস্য স্টেশনের অনুষ্ঠান আপডেট ও অতিরিক্ত তথ্যের জন্য, অনুগ্রহ করে empirestateplaza.ny.gov/nyking ভিজিট করুন, এবং @NYS_OGS কে ফেসবুক ও পূর্বে টুইটার নামে পরিচিত X এ অনুসরণ করুন।

###

আরো সংবাদ এখানে পাওয়া যাবে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)